



Broj: 14-01-49-3201/11
Sarajevo, 08.11.2011.godine

**BOSNA I HERCEGOVINA
FEDERACIJA BOSNE I HERCEGOVINE
SKUPŠTINA KANTONA SARAJEVO
S A R A J E V O
n/r Predsjedavajuće, Prof.dr. Mirjane Malić**

PREDMET: Odgovor na poslanička pitanja i inicijative

Zastupnica Segmedina Srna - Bajrović na Osmoj, Radnoj sjednici Skupštine Kantona Sarajevo, održanoj dana 20.10.2011.godine, u okviru tačke Dnevnog reda "Poslanička pitanja, inicijative i odgovori" postavila je slijedeća

P I T A N J A

"Šta je sa realizacijom izgradnje azila za pse latalice, u kojoj fazi je sam projekat kao i druge aktivnosti vezane za rješavanje ovog problema"?

„Da li ima, i koje su nadležnosti kantonalne inspekcije u primjeni i provođenju odluke o obavljanju poslovnih djelatnosti u određenim ulicama na odnosnom općinskom području, da li postoje validni podaci koliko se ista primjenjuje, a posebno u centralnoj zoni Kantona Sarajevo, prvenstveno u ulicama Ferhadija i Titova?“.

U vez s postavljenim pitanjima, dajemo slijedeći

ODGOVOR:

Kantonalna uprava za inspekcijske poslove na pitanje koje se odnosi na realizaciju izgradnje azila za pse latalice ne može dati odgovor jer ista nije nadležna za praćenje realizacije izgradnje azila. Naime, veterinarska inspekcija shodno odredbama Zakona o zaštiti i dobrobiti životinja („Sl.glasnik BiH broj: 25/09) kontroliše rad skloništa, higijenski servisa, smještaj i postupanje sa životinjama u izgrađenim azilima. Izgradnja azila je u obavezi jedinica lokalne samouprave, općine, grada kantona ili entiteta kao i fizičkog lica.

2. Obavljanje poslovne djelatnosti, na području općine Centar, uređeno je Odlukom o obavljanju poslovnih djelatnosti u određenim ulicama na području Općine Centar Sarajevo („Sl.novine Kantona Sarajevo“ broj: 38/07).



Ovom Odlukom se određuje koje se poslovne djelatnosti mogu,odnosno ne mogu obavljati u poslovnim prostorijama koje se nalaze u određenim ulicama ili dijelovima ulica na području Općine Centar Sarajevo, kao i pod kojim uslovima se mogu obavljati.

U skladu sa navedenom Odlukom, nadležni općinski organ izdaje na osnovu prethodno podnesenog zahtjeva i potrebne dokumentacije, fizičkim licima rješenje - obrtniku za obavljanje određene poslovne djelatnosti, odnosno pravnim licima odobrava namjenu za obavljanje poslovne djelatnosti.

Tržišno- turistička inspekcija koja djeluje unutar Kantonalne uprave za inspekcijske poslove ne može uticati na izdavanje obrtnice-rješenja, niti odobravanje namjene , ali u inspekcijskom nadzoru kontroliše da li kontrolisani subjekt posjeduje obrtniku za rad-rješenje, da li se pridržava odobrenog predmeta poslovanja iz obrtnice - rješenja za rad, odnosno da li je prilikom obavljanja poslovne djelatnosti obezbjedio od nadležnog općinskog organa saglasnost o namjeni za obavljanje poslovne djelatnosti.

DOSTAVITI:

1. Naslovu
2. Sekretaru Vlade Kantona Sarajevo
3. Evidencija
4. Arhivi





web: <http://kuip.ks.gov.ba>
mail: kuip@kuip.ks.gov.ba
Tel: + 387 (0) 33 770-100 (centrala)
+ 387 (0) 33 770-159 (direktor)
Fax: + 387 (0) 33 770-151
Sarajevo, Bulevar Meše Selimovića do br. 12



web: <http://kuip.ks.gov.ba>
mail: kuip@kuip.ks.gov.ba
Tel: + 387 (0) 33 770-100 (centrala)
+ 387 (0) 33 770-159 (direktor)
Fax: + 387 (0) 33 770-151
Sarajevo, Bulevar Meše Selimovića do br. 12